

هلند قند چوغونودوروندان ماشين دوزلدیر

دیلی میلی نین وئردیغی خبره گۆره، هلندلی دانشجولار طبیعی ماده لردن ساعتده 80 کیلومتر گنده بیلن ماشين دوزلدیلر.



دیلی میلی نین وئردیغی خبره گۆره، هلندلی دانشجولار طبیعی ماده لردن ساعتده 80 کیلومتر گنده بیلن ماشين دوزلدیلر.

برقی ماشين حقیقتده، کتان گیاهیندان اولان لایه لرینن اؤرتولن، قند چوغونودورونون رزینیندن دوزلیب. آیندهون دانشگاهی نین دوزلدن گروهونون اعضاسیندان اولان یانیک ون ریل بو باره ده دئییر: فقط تکرلر و ترمز سیستمی طبیعی ماده دن دوزلمه ییب. بو ماشين لینا آدلانیب.

بو ماشين چوخ یونگولدر و فقط 320 کیلوگرم آغیرلیغی وار.

دوزلمیش نمونه هله تصادف آزمایشلرینده سینانماییب چونکی اونون بدنه سی فلزلر کیمی آییلمه بیر بلکه سینیر.

بو ماشینی دوزلدنلرین قصدی وار جاری ایلده هلندین حمل و نقل مقاملاریندان اجازه آلاندان سونرا لینانی آزمایش ائله سینلر.

یونگول ماشين لیتیومی باطری اینن ایشله بیر و 8 کیلو وات قدرت بازدهیسی وار.

بو ماشين بیر دفعه شارژ اولماغینان 100 کیلومتر یول گئدیر و لاپ یوخاری سرعتی ساعت 80 کیلومتردیر.

دوزلدنلرین دئیغینا گۆره، بو ماشين BMW3، نیسان لیف و تسلا3 اینن مقایسه ده 40 برابر ال وئریشلیدیر.

لینا محیط زیستی ساخلاماقدان علاوه، اؤز سرنشینلرینی تانیان و ایزله ین سنسورلارا مجهزدیر.

بو، تماماً طبیعی ماده لردن دوزلمیش دنیانین بیرینیجی ماشینیدیر.